

**"Мұнай және мұнай өнімдеріне арналған резервуарларды пайдалану және жөндеу кезіндегі өнеркәсіптік қауіпсіздікті қамтамасыз ету қағидаларын бекіту туралы"  
Қазақстан Республикасы Төтенше жағдайлар министрінің 2021 жылғы 15 маусымдағы  
№ 286 бұйрығына өзгерістер енгізу туралы**

Қазақстан Республикасы Төтенше жағдайлар министрінің 2023 жылғы 3 қазандағы № 533 бұйрығы. Қазақстан Республикасының Әділет министрлігінде 2023 жылғы 4 қазанда № 33500 болып тіркелді

**БҰЙЫРАМЫН:**

1. "Мұнай және мұнай өнімдеріне арналған резервуарларды пайдалану және жөндеу кезіндегі өнеркәсіптік қауіпсіздікті қамтамасыз ету қағидаларын бекіту туралы" Қазақстан Республикасы Төтенше жағдайлар министрінің 2021 жылғы 15 маусымдағы № 286 бұйрығына (нормативтік құқықтық актілерді мемлекеттік тіркеу тізілімінде № 23068 болып тіркелген) мынадай өзгерістер енгізілсін:

Көрсетілген бұйрықпен бекітілген Мұнай және мұнай өнімдеріне арналған резервуарларды пайдалану және жөндеу кезіндегі өнеркәсіптік қауіпсіздікті қамтамасыз ету қағидаларында:

25-тармақ мынадай редакцияда жазылсын:

"25. Резервуар негізінің қиябеті жанбайтын материалмен жабылады.";

145-тармақ мынадай редакцияда жазылсын:

"145. Жерүсті резервуарлардың бір тобының аясында ішкі топырақ үйінділері немесе қоршау қабырғалары барларын бір-бірінен ажыратылады:

көлемі  $20000\text{м}^3$  немесе одан көп немесе жалпы сыйымдылығы  $20000\text{м}^3$  болатын бірнеше кішігірім резервуарлар;

басқа мұнай өнімдері бар резервуарларды май мен мазуты бар резервуарларды ажырату.

Ішкі топырақ үйіндісінің немесе қабырғаның биіктігі:

көлемі  $10000\text{м}^3$  және одан да көп резервуарлар үшін -1,3 м;

басқа резервуарлар үшін - 0,8 м.";

154-тармақ алып тасталсын;

277-тармақ мынадай редакцияда жазылсын:

"277. Күкіртті мұнай өнімдері бар резервуарларға және уытты қасиеттері бар өнімдерге (бензол, толуол, ксилол және өзге өнімдер) қызмет көрсететін барлық қызметкерлер осы мұнай өнімдерімен жұмыс істеу кезінде туындауы мүмкін қауіп-қатермен таныстырылады.";

279-тармақ мынадай редакцияда жазылсын:

"279. Қолмен сынама алу және деңгейін өлшеу, лай мен суды ағызу бойынша күкіртті мұнай өнімдерімен байланысты операцияларды жұмысшылар белгіленген маркасы, фильтрі бар газтұтқыш тағып және бақылаушының қатысуымен орындайды.";

281 және 282-тармақтар алып тасталсын;

599-тармақ мынадай редакцияда жазылсын:

"599. Металды бензо-, керосино- және оттегімен кесу кезінде:

- 1) ақаулы аппараттарды, құбыршектерді және жанарғыларды пайдалануға;
- 2) ластанған немесе су қоспасы бар жанармайды бензин кескіштер үшін қолдануға;
- 3) кескішке жанармай беру үшін оттегі құбыршектерін қолдануға;
- 4) кескіштің буландырғышын қызыл-қошқыл түске дейін қыздыруға және кескішті жұмыс кезінде тігінен, басын жоғары қаратып іліп қоюға;
- 5) жалынды бағыттап, жанарғыны жанғыш заттарға қоюға;
- 6) бөшкедегі қысым кезінде кескіштегі оттегінің жұмыс қысымынан асатын жанармаймен кесуге;
- 7) кескішке оттегі мен жанармай беретін құбыршектерді қысуға, бұрауға немесе июге;
- 8) жұмыс алаңында жанармай қорын сақтауға тыйым салынады."

2. Қазақстан Республикасы Төтенше жағдайлар министрлігінің Өнеркәсіптік қауіпсіздік комитеті:

1) осы бұйрықтың Қазақстан Республикасы Әділет министрлігінде мемлекеттік тіркелуін;

2) осы бұйрықты ресми жарияланғаннан кейін Қазақстан Республикасы Төтенше жағдайлар министрлігінің интернет-ресурсына орналастыруды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасы Төтенше жағдайлар вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Қазақстан Республикасының  
Төтенше жағдайлар министрі*

*С. Шарипханов*

"КЕЛІСІЛДІ"

Қазақстан Республикасы

Энергетика министрлігі

"КЕЛІСІЛДІ"

Қазақстан Республикасы

Ұлттық экономика министрлігі